

rum apicem fere attingentibus, omnibus duobus trientibus basalibus laete et dilute testaceis, tibiis plerumque omnino nigris; elytris laetius viridi-aeneis, subsmaragdinis. Long. ♂ 9,5—11, lat. 3,6—4 mm.—Examinavi 5 specimina utriusque sexus ex insulae Jeso parte orientali: Nemoro, Walfish-bay (C. Rost!) (coll. Semenov-Tian-Shanski).

Quam speciem **Gaurotes suvorovi**, sp. n., nominandam propono.

Ergo *Gaurotes ussuriensis* Bless. et *G. suvorovi* n. species invicem vicariae sunt: illa continentalis, haec insularis.

229. *Cornumutilla* (*Letzneria* Krtz. 1879) *lineata* Letzn. 1843—*Leptura 4-vittata* Gebl. 1830. Ergo haec species, relictum faunae antiquioris elementum, inde a Silesia Carpathisque trans montes Uralenses et Sibiriam totam usque ad ost. fluvii Anadyr sub gr. 65 lat. bor. (N. P. Sokolnikov! 18. VI. 1904) sporadice propagata, nominanda est **Cornumutilla 4-vittata** (Gebl.). Cf. A. Semenov: Bull. Soc. Nat. Mosc. 1898, № 1, p. 107.

230. De illa *Purpuriceni* forma, quam Reitter a. 1891 (in Wien. Ent. Zeitg., X, p. 240) nomine *Purpuricenus deyrollei* Thoms. var. *talyschensis* designavit, beatus Ganglbauer (in Best.-Tabell. eur. Col., VII, 1882, p. 61) haec pauca sub nomine *P. deyrollei* Thoms. locutus est: „Bei dem Exemplare von Lenkoran ist das ganze Halschild roth mit schwarzen, ähnlich wie bei *P. dalmatinus* angeordneten, aber theilweise mit einander verbundenen Makeln, ferner dehnt sich die Makel an der Basis der Flügeldecken auch über die Schulter aus“. E. Reitter nil essentiale addidit in diagnosi sua adeo brevioris: „Unterscheidet sich von der Stammform durch die lebhaft dunkelzinnoberröthe Grundfarbe, welche bei der Stammform blassgelb ist“.

Re verâ forma *talys(c)hensis* est sine dubio species autonoma, characteribus specificis sequentibus a *P. deyrollei* J. Thoms. 1867 (*ledereri* Friev. 1869), astrabadensi, constanter discrepans:

Purpuricenus talyschensis (ex Reitt.) Sem. 1914: *Purpuricenus* Serv. in sp., *P. deyrollei* J. Thoms. affinis, sed statutâ plerumque minore, capite, pronoto, elytrorum basi, sterno, abdomine pedibusque pilis erectis nigris (non griseis) obsitis; elytris brevioribus, maculâ nigrâ basali humerum semper amplectente, secundâ oblongâ dorsali suturam late tangente apicique magis approximata, tertiâ apicali parvâ; prosterni processu intercoxali paulo ante apicem tuberculo minuto, acuto, sed minus compresso munito, mesosterno mutico; ater, pronoti lateribus late elytris praeter maculas atras saturate (in speciminibus siccis vetustioribus dilute) cinnabarinis, nunquam ochraceis.

Long. ♂ 12,5—15, lat. 4,4—5 mm.